

खबरां

- तमिलनाडू च विधानसभा चुनांऽ ते पच्छिम बंगाल च पैहले चरण लेई प्रचार अज्ज बंद होई गेआ।
- सरकार नै घरेलू एल.पी.जी दी आपूर्ति गी अंतरराष्ट्री बजार च कीमते च बादा होने दे बावजूद बी कुसै रूकावट दे यकीनी बनाने दी पूरी कोशिश कीती ऐ।
- उपराष्ट्रपति सी.सी राधाकृष्णन होरें आखेआ ऐ जे जमीनी स्तर पर सरकार दी योजनाएं ते नीतियें गी लागू करने च सिविल सेवाएं दी प्रधान भूमिका।
- भारत ते जर्मनी रणनीतिक रक्षा सांझेदारी गी होर मजबूत करने लेई दपक्खी गल्लबात करडन।
- अमरीका-ईरान दा युद्ध विराम कल खत्म होई जाह्ग। स्ट्रेट ऑफ होमुर्ज ते गल्लबात तनाव दे मद्देनजर संदेह च
- आई.पी.एल क्रिकेट च सन राइजर्स हैदराबाद दा मकाबला अज्ज संझा हैदराबाद दिल्ली कैपिटल्स कन्नै होगा।

<><><><><><>

Campaigning-Ended

तमिलनाडू च विधानसभा चुनांऽ ते पच्छिम बंगाल च पैहले चरण लेई प्रचार-प्रचार अज्ज बंद होई गेआ। तमिलनाडू च इक्क चरण च मतदान ते पच्छिम बंगाल दा पैहले चरण दा मतदान 23 अप्रैल गी होगा। पच्छिम बंगाल च मतदान दा दुआ चरण 29 अप्रैल गी कीता जाह्ग। सारे मतदान राज्यें ते केंद्र शासित प्रदेशें दे मते दी गिनतरी 4 मई गी कीती जाह्ग।

<><><><><><>

International-Briefing

सरकार नै अज्ज आखेआ ऐ जे देसै च घरेलू एलपीजी दी कमी नै ऐ ते देसै दे कुसै बी एलपीजी वितरक कोल स्टॉक खत्म होने दी जानकारी नेई आई ऐ। नमीं दिल्ली च पच्छिम एशिया च हालिया विकास बारै अंतर मंत्रालयें दी जानकारी दिंदे होई पेट्रोलियम ते प्राकृतिक गैस मंत्रालय दी जायंट सैक्रेटरी सुजाता शर्मा होरें आखेआ जे अंतरराष्ट्री बजार च कच्चे तेल ते एलपीजी दी कीमते च बादा होने दे बावजूद सरकार नै घरेलू एलपीजी दी आपूर्ति गी कुसै रूकावट दे यकीनी बनाने दी पूरी कोशिश कीती ऐ।

<><><><><><>

Shah-Siliguri

भाजपा दे वरिष्ठ नेता ते केंद्री गृहमंत्री अमित शाह होरें अज्ज सिलीगुड़ी दे सुकना खेड्ड मैदान च इक जनरैली गी संबोधित कीता। कट्ट गी संबोधित करदे होई श्री शाह होरें इस गल्ला पर जोर दिता जे लम्में चिरें थमां चला'रदे गोरखा मुद्दे दा हल बीजेपी गै करी सकदी ऐ। रियासत च बदलाव आहनने

बारै आखदे होई उनें आखेआ जे एह चुनांS मां ते भैनें दी सुरक्षा लेई लड़ा जा करदा ऐ। उनें आखेआ जे भाजपा दी सरकार राज्य च आई ते गुंडे, बलात्कारियें गी फौरन जेल च भेजी दित्ता जाहगा।

<><><><><><>

Adi Shankaracharya Homage

उपराश्ट्रपति सी.पी राधाकृष्णन, प्रधानमंत्री नरेंद्र मोदी ते वित्त मंत्री निर्मला सीतारमण होरें अज्ज भारत दे महान आध्यात्मिक संत आदि शंकराचार्य होरें गी उंदी जयंती उप्पर उनेंगी नमन कीता। अपने इक सोशल मीडिया पोस्ट च उपराश्ट्रपति होरें आखेआ जे आदि शंकराचार्य होरें सनातन धर्म गी पुनजीर्वित कीता। उनें आखेआ जे आदि शंकराचार्य हुंदी शिक्षा लोकें गी ज्ञान, सच्चाई ते करुणा दी बत्ता उप्पर चलने लेई प्रेरित करदी ऐ। प्रधानमंत्री नरेंद्र मोदी होरें अपने इक सोशल मीडिया पोस्ट च आखेआ जे आदि शंकराचार्य हुंदी अद्वैत वेदांत दी शिक्षा, विचार ते दर्शन वैश्विक स्तर उप्पर अनेकां लोकें दा मार्गदर्शन करदी ऐ। अज्ज ग्लोबल वननेस फेस्टिवल गी वर्चुअल ढंगे राएं संबोधित करदे होई निर्मला सीतारमण होरें आखेआ जे अपने 32एं बरें दे लोकें जीवन च शंकराचार्य होरें देसै दे उत्तर, दक्खन, पूर्व, पच्छिम च चार मठें ते दश्रामी संप्रदाय जनेही संस्थाएं दी स्थापना कीती।

<><><><><><>

PIB Fact Check

सरकार नै फर्जी मंजूरी पत्र गी खंडन कीता ऐ जिस च प्रधानमंत्री मुद्रा योजना तैहत 7 लक्ख रुपें दे लोन लेई 860 रुपे दे भुगतान शुल्क दा दावा कीता गेदा ऐ। प्रेस इंफार्मेशन ब्यूरो दी जांच इकाई नै इस चिट्ठी गी फर्जी करार दित्ता ऐ।

<><><><><><>

VP-Civil Services

उपराश्ट्रपति सी.पी राधाकृष्णन होरें आखेआ जे सरकार दी योजना ते नीतियां जमीनी सतह पर लागू करने च सिविल सेवाएं दी मती भूमिका ऐ। अज्ज नमीं दिल्ली च सिविल सेवा दिन दे मौ उप्पर संबोधित करदे होई श्री राधाकृष्णन होरें आखेआ जे राजधानी दिल्ली च बेइयै शड़ी योजना बनी सकदी ऐ, पर दूर-दरेडे इलाकें च एहदे सफल नतीजे तदूं गै औंदे न, जदूं एहू सेही चाल्ली लागू कीते जंदे न। सरदार वल्लभाई पटेल होरें गी अखिल भारती सेवाएं दा पितामाह आखदे होई उपराश्ट्रपति होरें आखेआ जे सरदार पटेल होरें सेवा ते एकता दी सांझी भावना दे तैहत राश्ट्र गी किट्ठा कीता। उनें आखेआ जे सरदार पटेल हुंदी इस गैंS कन्नै विकसित भारत बनने दा सफर सक्षम होई गेआ ऐ। सरकार दी केई पैहलकदमियें दा जिक्र करदे होई राधाकृष्णन होरें आखेआ जे भामें ओहू बुनियादी ढांचे च होए, सेहत जां शिक्षा जेह खेत्तर च होए। भारत हून वैश्विक मंच उप्पर गौS आहली थाहर हासल करा'रदा ऐ।

<><><><><><>

Eve Rajnath Germany Visit

रक्षा मंत्री राजनाथ सिंह 3 दिनें दी जर्मनी जात्तरा पर अज्ज बर्लिन पुज्जे। अपने इक सोशल मीडिया पोस्ट च रक्षा मंत्री होरें दस्सेआ जे उनेंगी जर्मनी वायुसेना दे विशेष विमान च म्युनिच थमां बर्लिन

लेई जाया गेआ ते लड़ाकू ज्हाजें उंदी सुरक्षा कीती। बर्लिन पुज्जिये उनेंगी सैन्य सम्मान दित्ता गेआ। श्री राजनाथ सिंह होर जर्मनी दे रक्षा मंत्री बोरिस पिस्टोरियस ते होर दुए वरिष्ठ नेताएं कन्नै दपक्खी वार्ता करंगन तां जे दौनें मुल्लखें बश्कार रणनीतिक रक्षा सांझेदारी गी होर मजबूत कीता जाई सकै। इस दरान रक्षा औद्योगिक सहयोग रोड मैप ते संयुक्त राष्ट्र शांति स्थापना, अभियानें दे प्रशिक्षण च सहयोग लेई कम्म करने ते बवस्था पर दस्तखत होने दी मेद ऐ।

<><><><><><>

Trade Delegation

भारती बपार प्रतिनिधिमंडल इस हफ्ते वाशिंगटन दा दौरा करोग। भारत च अमरीका दे राजदूत सर्जियो गोर होरें सोशल मीडिया पोस्ट राएं एह जानकारी दित्ती। उनें इस दौरे गी दपक्खी बपार समझौते गी खीरी रूप देने दी दिशा च इक महत्वपूर्ण गैड दस्सेआ। इस दरान वाणिज्य ते उद्योग मंत्री पीयूष गोयल होरें आखेआ जे सरकार नै अमरीका कन्नै दपक्खी बपार समझौते दे पैहले चरण गी लगभग खीरी रूप दित्ता।

<><><><><><>

Innovation

अज्ज कुल संसारी रचनात्मकता ते नवाचार सरबन्धी ध्याड़ा मनाया जा'रदा ऐ। संयुक्त राष्ट्र नै माहनू विकास दे सभनें पैहलुएं च रचनात्मकता ते नवाचार दी भूमिका प्रति जागरूकता बधाने लेई इस ध्याड़े गी नामित कीता गेआ ऐ। संयुक्त राष्ट्र शैक्षिक विानक ते सांस्कृतिक संगठन यूनेस्को नै 2005 बरे च होए दे सम्मेलन मगरा रचनात्मक उद्योगें गी मजबूत करने लेई एह निर्णय लैता।

<><><><><><>

US-Iran Ceasefire

अमरीकी ईरान युद्ध विराम दी अवधि कल संझा खत्म होने आहली ऐ जेहदे कन्नै नमीं गल्लबात ते स्ट्रेट ऑफ होर्मुज दे उप्पर गल्लबात दी संभावनाएं दी मेद उप्पर शेंका हुंदी जा'रदी ऐ। अमरीकी राष्ट्रपति होरें आखेआ जे ओहू इस युद्ध विराम गी होर बधाने दे पक्ष च नेई हैन। अगर कोई फैसला नेई होआ ते ओहू स्ट्राइक परतियै शुरू करी सकदे न। अमरीका उपराष्ट्रपति जे.डी. वांस जेहडे फेस टू फेस गल्लबात दे पैहले चरण दी अगुवाई करारदे न, उंदा गल्लबात लेई अज्ज इस्लामाबाद जाने दा कार्यक्रम होई सकदा ऐ।

<><><><><><>

Railway-Rake

पच्छिम रेलवे दी अहमदाबाद डिविजन नै दुध उत्पादें दा पैहला-पेहला माल ढोआई आहली खेप जम्मू-कश्मीर पजाई ऐ। गुजरात दे महेसना कश लौहके लिंच रेलवे स्टेशन परा खाना कीते गेदे 20 बी.सी.एन वेंगनें चा 10 गी बड़ी ब्राह्मणा रेलवे स्टेशन ते 10 गी अनंतनाग पुजाया गेआ। इस फेरे दी मदद कन्नै रेलवे नै 24 लख 62 ज्हार रपे दा राजस्व कमाया ऐ। इस पैहल कन्नै जम्मू-कश्मीर दे दूर-दरेडे इलाकें धोड़ी जरूरी चीजें बस्तें दी सप्लाई यकीनी बनोग। एहदे शा पैहले अक्तूबर 2025 च डिविजन नै 1 ज्हार 350 टन औद्योगिक लून खर्गोधा थमां अनंतनाग पुजाया हा। रेलवे दिएं इनें

कोशिशें कन्नै जम्मू-कश्मीर ते गुजरात बश्कार सिद्दा कारोबार ते आर्थिक गतिविधियें गी बढ़ावा थोआ करदा ऐ।

<><><><><><>

Aadil House Maha Govt.

महाराष्ट्र सरकार नै पिछले बरे होए दे पहलगाम आतंकी हमले दरान सैलानिएं दी जान बचांदे होई अपनी जान मोहाई चुके दे इक टूरिस्ट गाइड सैयद आदिल हुसैन दे परोआर लेई मकान बनाइयै दित्ता ऐ। इस मकान गी महाराष्ट्र दे कैबिनेट मंत्रिएं आदिल दे परोआर आहलें दे सुपुर्द कीता। तोआई, आदिल हुसैन दे पिता होरें बी महाराष्ट्र दे उपमुख्यमंत्री एकनाथ शिंदे हुंदा आभार प्रगट करदे होई आखेआ ऐ कि उनें उंदे परिवार गी छडी माली मदाद गै नेई दित्ती, सगुआं मकान बनोआइयै देने दा अपना वायदा बी पूरा कीता जेहड़ा उनें पैहलगाम आतंकी हमले दे बाद उंदे बेटे दी दलेरी ते कुर्बानी लेई उंदा आभार प्रगट करदे होई कीता हा।

<><><><><><>

Security Pahalgam-Attack

पिछले बरे पैहलगाम च होए दे आतंकी हमले जेहदे च आतंकवादिएं 26 बेदोसे लोकें दी हत्या करी दित्ती ही, दी पैहली बरसी दे सिलसिले च पूरे जम्मू-कश्मीर च सुरक्षा बंदोबस्त निगगर करी दित्ते गेदे न ते कुसै बी चाल्ली दी हिंसक जा भन्न-त्रोड़ आहली घटना दी शेंका कोला बचने लेई सुरक्षा ते खुफिया एजेंसियां पूरी चाल्ली सतर्क होइयै कम्म करा'रदियां ना। प्रशासन आसेआ हर कुसै दी जांच परख ते पुच्छ-गिच्छ कीती जा'रदी ऐ जिंदे च सैलानिएं गी सुविधा प्रदान करने आहले बक्ख-बक्ख लोक, कारोबारी ते होर दुए लोक शामिल ना। जम्मू-कश्मीर पुलसै दे विशेष कार्रवाई बल जी.ओ.सी नै अज्ज जम्मू प्रांतै दे केई घनें जांगली इलाके च बी तुपाई अभियान चलाया।

<><><><><><>

Man Detained

जम्मू जिले दे अंतरराष्ट्री बन्ने कन्नै लगदे इलाकें च सीमा सुरक्षा बल बी.एस.एफ नै 50एं बरें दे इक आदमी गी हिरासतै च लेई लैता ऐ जेहड़ा उत्थै संदिग्ध हालातच फिरदा पाया गेआ। आकाशवाणी दे जम्मू संवाददाता नै जानकारी दित्ती ऐ कि कल संज्ञा जम्मू जिले दे फलाएं मंडाल सब सेक्टर हेठ पौंदे अगेत्रे इलाके मकवाल च मयान बार्डर पोस्ट कश गश्त दरान बीएसएफ नै इस आदमी गी फगड़ेया जेहड़ा उत्थै इन्ने संवेदनशील इलाके च फराटियां लाने दी कोई ठोस वजह नेई दस्सी सकेया। शुरूआती पुच्छ-गिच्छ थमां इयां बझोंदा ऐ कि एहू आदमी दमाकी तौरा पर सिद्ध होई सकदा ऐ, पर फही बी इस गल्लै दी तस्दीक करने ते अगगे दी पुच्छ-गिच्छ लेई उसी पुलसै दे हवाले करी दित्ता गेआ ऐ।

<><><><><><>

JK-BOSE 10th Result

जम्मू-कश्मीर स्कूली शिक्षा बोर्ड आसेआ घोशित, सोए आहले जोन दे 10मीं जमात दे जारी नतीजें च कुल 88 इशारिया 85 प्रतिशत बच्चे पास होए ना। इस मतेयान च बैठे दे 50 ज्हार 754 विद्यार्थिएं चा 45 ज्हार 94 बच्चे कामयाब रेह जिंदे च कुड़िएं दा पास प्रतिशत जागतें कोला ऐकती बी बेहतर रेहा।

कुड़िएं चा 90 इशारिया 4-2 प्रतिशत नै मतेयान पास कीता जिसलै जे जागतें चा 87 इशारिया 5-1 प्रतिशत नै कामयाबी हासल कीती ऐ। पुंछ जिले दी मेंढर सब डिविजन दी नियति दत्ता जिन्नै इस मतेयान च पैहली पोजीशन हासल कीती ऐ। मुख्मन्त्री उमर अब्दुल्ला ते शिक्षा मंत्री होरें 10मीं च पास होए दे सारे बच्चे गी ममारकबाद दिंदे होई उनेंगी भविक्ख लेई शुभकामनां दित्तियां न।

<><><><><><>

IPL

आईपीएल क्रिकेट च अज्ज संझा साङ्गे 7 बजे राजीव गांधी अंतरराष्ट्री स्टेडियम हैदराबाद च सन राइजर्स हैदराबाद दा मुकाबला दिल्ली कैपिटलस कन्नै होग। कल अहमदाबाद च नरेंद्र मोदी स्टेडियम च मुम्बई इंडियन्स नै गुजरात टाइटन्स गी 99 रनें कन्नै हराई दित्ता। तिलक वर्मा नै शानदार बल्लेबाजी करदे होई 45 बालें च शतक बनाया।

<><><><><><>